

REGLUGERÐ

um breytingu á reglugerð um happdrætti Háskóla Íslands,
nr. 348 8. október 1976.

1. gr.

24. gr. falli niður.

2. gr.

Reglugerð þessi sem sett er samkvæmt lögum um happdrætti Háskóla Íslands, nr. 13 13. apríl 1973, öðlast gildi 1. janúar 1995.

Ákvæði til bráðabirgða.

Við útdrátt vinninga í 3. og 12. flokki 1995 skal í hvort skipti draga sérstaklega út einn vinning í hverri röð, B, E, F, G og H, sbr. 9. gr., sem dreginn skal eingöngu úr seldum miðum.

Drátturinn fer þannig fram:

- a. Valið er númer með notkun stokks. Valið fer fram með þeim hætti að stokknum er snúið. Ef sex fyrstu stafir sem þá koma upp mynda tölu á bilinu 1 – 60.000 skal sú tala skráð og telst hún vinningsnúmer. Ella skal valið endurtekið þar til slík tala kemur upp.
- b. Athugað er hvaða happdrættismiðar með vinningsnúmerinu eru seldir. Seldur miði sem ber númerið og bókstaf miðaraðar hlýtur vinning.
- c. Ef allar miðaraðir hljóta ekki vinning í þessum drætti skal dráttur endurtekinn vegna þeirra raða.
- d. Dráttur skal endurtekinn þar til miði í hverri miðaröð hefur hlotið vinning.

Dóms- og kirkjumálaráðuneytið, 10. nóvember 1994.

Þorsteinn Pálsson.

Ólafur W. Stefánsson.

Nr. 596

11. nóvember 1994

AUGLÝSING

um staðfestingu á legu Vestfjarðarvegar yfir Gilsfjörð
ásamt aðkomuvegum.

Samkvæmt skipulagslögum nr. 19/1964 hefur ráðherra þann 11. nóvember 1994 staðfest legu Vestfjarðarvegar yfir Gilsfjörð ásamt aðkomuvegum í Saurbæjar- og Reykhólahreppum.

Aðalskipulag að nýrri legu vegarins og aðkomuvegum ásamt greinargerð hefur hlotið þá meðferð, sem skipulagslög nr. 19 21. maí 1964 mæla fyrir um. Sveitarstjórnir Saurbæjar- og Reykhólahreppa hafa samþykkt skipulagsáætlunina og skipulagsstjórn ríkisins afgreitt erindið til staðfestingar.

Umhverfissráðuneytið, 11. nóvember 1994.

Össur Skarphéðinsson.

Magnús Jóhannesson.